



Vice Ministro da Administrasaun Estatal, Tomas do Rosario Cabral Abertura Enkontru Avaliasaun Annual PNDS Munisipiu Dili.

Administrasaun Munisipiu Persija Seriu iha Gestaun Planeamentu ba Orsamentu Munisipiu Atu Bele Hetan Konfiansa Husi Governo Central

Vice Ministro da administrasun Estatal, Tomas do Rosario Cabral fo atensaun ba Administrasaun Munisipiu sira atu seriu iha gestaun planeamentu orsamentu Munisipiu, deklarasaun bolu atensaun husi Vice Ministro da Administrasaun Estatal nee fo sai bainhira abertura enkontru avaliasaun annual implementasaun programa PNDS ne'ebé implementa iha Munisipiu Dili husi siklu dahulu nian. Enkontru avaliasaun nee hala'o iha salaun enkontru Ministerio Solidaridade Sosial Caicoli Dili, 24/05/2017.

Iha abertura enkontru nee Vice Ministru Administrasaun Estatal, Tomas do Rosario Cabral hateten plano estratéjiku Desenvolvimentu Munisipiu iha pilar rua inportante mak Programa Nasional Desenvolvimentu Suku no Programa Desenvolvimentu Integrado Munisipal, tanba nee autoridade lokal sira no administradór do postu atu partisipa ativo iha inkontru inportante ba programa rua nee, hodi apar didi'ak ho implementasaun programa rua nee.

Programa Suku Vizita Malu iha Munisipiu Baucau Postu Administrativu Venilale Hetan Antuasiasmu Maka'as Husi Partisipante Sira

Programa suku vizita malu ba segundu iha tinan 2017 ne'e hanesan aktividade estudus komparativu ne'ebe hala'o iha suku Fatulia, Postu Administrativu Venilale, Munisipiu Baucau. aktividade ne'e inisiativa husi Sekretariadu Tekniku Programa Nasional Dezenvolvimentu Suku no apoiu husi parseirus CARDNO hodi fasilita Ekipa Jestaun Suku no Chefe Suku hodi fahe esperensia no istoria susesu ba malu kona-ba implementasaun Programa Nasional Dezenvolvimentu Suku iha sira ida-idak nia suku. Programa Suku Vizita malu ne'e hala'o lora ida iha Suku Fatulia, Postu Administrativu Venilale Munisipiu Baucau (25/05/2017).

Objetivu husi atividade ne'e mak fo oportunidade ba Ekipa Jestaun Suku ho comunidade sira hodi fahe esperensia ba malu kona-ba implementasaun programa dezenvolvimento ne'ebé la'o hela iha comunidade nia let, liu-liu oinsá atu halo jestaun Operasaun no Manutensaun ba Be'e Mos ne'ebé comunidade sira implementa liu husi Programa Nasional dezenvolvimentu Suku.

Iha programa suku vizita malu ne'e hare liu ba sistema operasaun no manutensaun ba sistema Be'e Mos ho fo oportunidade ba suku sira seluk ne'ebe implmenta projetu Be'e Mos ho subsidiu Husi PNDS atu aprende husi suku sira seluk ne'ebé iha esperensia pozitivu kona-ba jestaun operasaun no manutensaun.

Ancelino Moises Pereira, hanesan Chefe Suku Fatulia, Postu Administrativu Venilale apresia tebes ho atividade ida ne'e tanba bele hasoru malu ho maluk sira husi Munisipiu seluk hodi fahe esperensia ba malu.

Iha parte seluk Chefe Suku Leonel de Jesus Babo, hanesan Chefe Tocoluli, husi Postu Administrativo Railaco, Munisipiu Ermera kontente tebes ho esperensia ne'ebé hato'o husi grupu maneija fasilidade Suku Fatulia ninia tanba sira iha esperensia ne'ebé hanesan no nia sujere katak orsamentu ida ne'ebé kontribui husi comunidade ne'e labele mate deit iha Banku, maibé bele forma grupu komparativu ruma iha comunidade atu nune'e sira bele fila liman hodi hetan rendimentu ruma no inportante liu mak osan inan labele lakon.

PNDS

Hamutuk Ita
Dezenvolve Nasaun

Julho 2017

Progresu

Pilotu: Remata ona

Faze 1 Siklu 1 : Remata ona

Faze 2 Siklu 1 : Remata ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, enkontru akontabilidade 50% primeirun)


Faze 2 Siklu 2 : Iha Etapa 10 (Sertifika, enkontru akontabilidade 50% primeiru)

Faze 3 Siklu 2 : Iha Etapa 3 (Transferensia Fundus Operasional)




Prioridade sira Iha Nasiona

Faze I Siklu 2



Faze II Siklu 2



Atividade Suku Vijita Suku Iha Munisipiu Ermera, Suku Poetete Nudar Suku Uma Nain no Suku Visitor 5 Bele Hetan Referensia Atu Desenvolve Diak Liu Sira Nia Suku

Suku Poetete, Postu Ermera, Munisipiu Ermera nudar suku uma nain ba Atividade suku vijita suku neebe partisipa husi reprezentante suku husi Munisipiu Aileiu, Viqueque, Covalima, Dili no RAE OA, atividade nee halao iha cede suku Poetete 06/06/2017.

Atividade suku vijita malu nee abertura husi Presidente Autoridade Munisipal Ermera, Jose Martins iha abertura Presidente Autoridade Munisipal Ermera hateten atividade suku vijita malu hanesan forum ida atu bele mantein ligasaun entre suku hodi aprende no kampara esperensia implementasaun atividade ne'ebé ligado ho desenvolvimentu iha Suku sira iha baze. Atividade nee nudar pasu inportante hodi bele kria lasu amizade no halakon divizionismu.

Presidente Autoridade Munisipal Ermera akresenta katak implementasaun programa PNDS nudar alternativo ne'ebé governo fo fiar ba comunidade sira atu desenvolve sira nia suku rasik, tanba nee husu atu autoridade lokal hanesan chefe suku no comunidade sira atu aproveita oportunidade nee hodi aslera rejolve problema desenvolvimentu iha suku laran ne'ebé sira identifika.



Liu Husi Enkontru Mensal Hametin Liu Tan Kordenasaun Servisu Programa PNDS Iha Baze

Atu kordena di'ak liutan servisu iha baze, Sekretariadu Tékniku Programa Nasionál Dezenvolvimentu Suku (ST-PNDS) iha fulan-fulan sempre organiza enkontru kordenasaun iha nivel nasional, enkontru kordenasaun ba fulan Maio ninia hala'o iha Dili, iha lora 02 fulan Junho 2015.

Direktur Interino no actual hanesan Chefe Unidade Administrasaun Finansas Programa PNDS Secundino Freitas Moreira, iha ninia intervensaun apela ba funsionáriu PNDS tomak tantu iha nasional nomos iha Munisipiu hotu-hotu atu haka'as an no mantein nafatin dixiplina, atu nune'e bele melhora liu tan servisu ba programa PNDS iha suku no territóriu laran tomak.

Enkontru ne'e hanesan atividade rutina ida ne'ebé halo kada fulan-fulan, iha enkontru ne'e kada munisipiu inklui mos departamentu ida-idak apresenta progresu servisu nomos dezafiu ne'ebé ekipa hasoru iha terrenu atu nune'e bele buka solusaun hamutuk, alende apresenta rezultadu servisu nomos dezafiu, ekipa ida-idak mos apresenta mos planu servisu ne'ebé atu hala'o iha fulan tuir mai.

Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl